

## Soalan-soalan Lazim

### Peneraju Skil Iltizam *Industrial Automation*

#### A. MENGENAI PROGRAM

**1. Apakah matlamat program Peneraju Skil Iltizam *Industrial Automation*?**

Program Peneraju Skil Iltizam *Industrial Automation* dijalankan untuk memberi peluang kedua kepada pelajar tercicir atau calon-calon yang mempunyai minat yang menjurus ke arah skil vokasional / teknikal berbanding dengan akademik. Program ini merangkumi pensijilan di dalam industri di mana calon-calon akan mendapat kemahiran yang bersesuaian dengan permintaan industri dan peluang pekerjaan. Objektif utama program ini adalah untuk meningkatkan penyertaan bumiputera di dalam bidang pekerjaan berkemahiran tinggi dengan pendapatan lumayan di dalam industri berkaitan.

**2. Apakah syarat-syarat untuk memohon program Peneraju Skil Iltizam *Industrial Automation*?**

- Bumiputera warganegara Malaysia
- Calon berumur dari 18 hingga 23 tahun
- Boleh membaca, mengira dan menulis
- Tidak memiliki apa - apa sijil Diploma/Ijazah/Sijil Kemahiran Malaysia (SKM)
- Bebas daripada pengaruh dadah dan alcohol
- Sihat dan cergas tubuh badan
- Mempunyai minat yang mendalam terhadap program dan industri berkaitan

**3. Apakah peluang yang ditawarkan kepada peserta Peneraju Skil Iltizam *Industrial Automation*?**

Peluang pekerjaan dalam industri pembuatan (*manufacturing*).

**4. Adakah terdapat bayaran yang dikenakan kepada calon yang berminat?**

Tidak. Peneraju Skil Iltizam *Industrial Automation* adalah program pembiayaan penuh.

**5. Adakah program ini di buka kepada calon daripada semua negeri?**

Ya, program ini di buka kepada calon dari seluruh Malaysia. Walau bagaimanapun, latihan akan dijalankan di **Kulim, Kedah**.

**6. Bagaimanakah dengan peluang pekerjaan selepas tamat latihan?**

Tawaran pekerjaan di dalam bidang pembuatan akan diberikan kepada peserta selepas tamat tempoh latihan. Peserta akan diberi peluang untuk bekerja dalam bidang pembuatan bergantung kepada prestasi peserta sepanjang kursus dijalankan.

**7. Adakah saya akan terikat dengan Yayasan Peneraju selepas tamat program Peneraju Skil Iltizam *Industrial Automation*?**

Tidak. Peserta tidak terikat dengan Yayasan Peneraju. Walau bagaimanapun, peserta perlu bekerja di Malaysia, atau sekiranya di luar Malaysia, bekerja dengan syarikat berdaftar di Malaysia dalam tempoh satu tahun selepas tamat program.

**8. Adakah saya diperlukan untuk menandatangani sebarang bentuk kontrak atau perjanjian?**

Ya, perjanjian pembiayaan akan disediakan untuk semua peserta program

**9. Bolehkah saya menolak tawaran sekiranya saya disenarai pendek untuk menyertai program ini?**

Boleh, selagi mana surat tawaran tidak ditandatangani dan dihantar ke pihak Yayasan Peneraju.

**10. Adakah sebarang tindakan akan dikenakan sekiranya saya melanggar isi kandungan kontrak?**

Peserta perlu membayar balik kesemua kos yang telah ditanggung oleh Yayasan Peneraju bagi tujuan pembiayaan program.

**11. Apakah jenis bantuan yang akan ditanggung sepanjang program berlangsung?**

- Yuran pengajian dan pensijilan
- Pengangkutan
- Tempat tinggal
- Makanan
- Insurans
- Elaun bulanan

**12. Sekiranya saya sudah menerima pinjaman / biasiswa dari pihak lain, adakah saya masih boleh menerima tawaran biasiswa di bawah tajaan Yayasan Peneraju?**

Tidak.

## B. PROSES PERMOHONAN

**1. Bagaimana cara untuk mendaftar?**

Permohonan boleh dibuat melalui laman web rasmi Yayasan Peneraju [www.yayasanpeneraju.com.my](http://www.yayasanpeneraju.com.my) atau terus berhubung dengan rakan program kami, Kulim Advanded Technologies Sdn Bhd

**2. Apakah bentuk sesi Penilaian yang akan dijalankan?**

- Pengesahan dokumen
- Temuduga
- Taklimat bersama ibu bapa
- Pemeriksaan kesihatan

**3. Sekiranya saya berjaya, apakah proses selanjutnya?**

Semua peserta yang berjaya akan dihubungi melalui telefon / emel

**4. Sekiranya saya tidak Berjaya, adakah saya akan dihubungi?**

Tidak.

**C. STRUKTUR PROGRAM**

**1. Berapa lamakah program ini akan berlangsung dan apakah komponen yang terkandung?**

Program akan berjalan selama 90 hari yang merangkumi latihan teknikal, latihan industri dan kursus pembinaan jati diri.

**2. Apakah contoh komponen '*Nurture and Develop*' yang diterapkan dalam Program Skil dan setiap program Yayasan Peneraju?**

'*Nurture and Develop*' di dalam program Peneraju Skil Iltizam *Industrial Automation* adalah memberi penekanan kepada aspek disiplin dan jati diri dalam kalangan peserta di samping persediaan untuk menceburi bidang pekerjaan yang berkaitan.

**3. Bilakah saya akan mula menerima bantuan biasiswa?**

Sebaik sahaja program bermula.

**4. Bilakah permohonan akan dibuka?**

Permohonan	Jangkamasa
Permohonan akan dibuka pada	Mei 2019
Program dijangka bermula pada	Jun & September 2019